

Ноябрь

19/1 Пророка Иоиль (800 г. до Р.Х.). Мученика Уара (ок.307).

Тропарь, глас 2

Чын илыше Иоиль пророк, Юмо кап дене толеш, Святой Шүльш вола да Юмын Суд лиеш манын, тый ончык ужын каласенат, тыйым пагален шарныше-влакым чыла ойго деч шке кумалмет дене утаре.

Кондак, глас 4

Поро пиалан Иоиль, яндар чонет Святой Шүльш дене сотемдаралтын, да пророкла ойлаш йöрышö лийынат, ончыко мо лийшашым кызытсе семын ужынат, сандене тыйым пагален шарнена да моктена.

Величание

Тыйым моктена, тыйым моктена, Юмын пророкшо Иоиль, да тыйын нерген святой шарнымашым аралена, вет тый мемнан верч Христос Юмынам сөрвалет.

Тропарь мученику Уару, глас 4

Господь, Тыйын орланышет Уар, индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо виет дене сұмырал шуэн да ия-влакын тептердыме үчыштым шалатен. Тудын молитваж дене, Христос Юмо, мемнан чоннам утаре.

Кондак, глас 4

Орланыше Уар, тый Христос почеш каенат, Тудын чашыжым йўын, орланымаш венецым налынат, ынде суксо-влак дене пырля йывыртет да мемнан чонна верч чарныде кумалат.

Величание

Тыйым моктена, тыйым моктена, святой орланыше Уар, да чот жаплыме орланыметым пагалена, тудым тый Христос верч чытенат.

20/2 Великомученика Артемия (362)

Тропарь, глас 4

Кугун орланыше Артемий, Христосын чын ўшанымашыже дене пенгыдемын, идоллан кумалше осал кугыжам сененат, садлан курым-курымаш Кугу Кугыжа тылат волгыдо дечат волгыдо сенымаш венецым пуэн. Кугу ачана, тыйым сөрвалышым да чыла черлым паремде, мемнан чоннам утарыже манын, Христос Юмым сөрвале.

Кондак, глас 2

Поро койышан да венец дене палемдыме орланышым, тушманым сенгаш куатым налше Артемийым, пырля погынен, мурен моктена: орланыше-влак коклаште эн кугу да öрыктарыше пашаж дене поян ачана кызыт мемнан верч Господь Юмым сөрвала.

Величание

Тыйым моктена, тыйым моктена, святой орланыше Артемий, да чот жаплыме орланыметым пагалена, тудым тый Христос верч чытенат.

21/3 Преподобного Илариона Великого (371-372)

Ин тропарь, глас 8

Иларион ачана, шинчавүд йогынет дене ир мландым нөртенат да чот ойгырен шортмет дене паша саскатым шүдө пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сөрвале.

Кондак, глас 3

Иларион ачана, чарныде волгалтарыше ушан кече семын тыйым пырля погынен моктена. Чын Юмым палыдыме пычкемыште улшо-влакым волгалтаренат да Юмын күкшытыш нөлтенат, сандене тылат мурена: пүтым кучышо-влакын негызышт, йывырте.

Величание

Поро пиалан улметым моктена, Юмылан йөрышö Иларион ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

22/4 Празднование Казанской иконе Божией Матери (в память избавления от поляков в 1612 году).

Тропарь, глас 4

Күшнö улшо Юмын чаманен утарыктыше Аваже! Шкендын Эргычым, мемнан Христос Юмынам, чылан верчышт сөрвален, Тыйын левед аралымашкет мийыше-шамычлан чылалан утарымашым ыштет. О, Ашныше Юмын Аваже, мемнам чыланнам утарыкте! Ойгышто, орлыкышто, шуко язык дене нелемын, черланен, Тыйын моткоч яндар түсет ончылно, шинчавүд дене ойгырен-шортын, чон дене шонен-юмылтен шогышо-шамычым, чылам, осал дечын утаре, Тыланет чарныдеак ўшаныше-шамычлан порылыкым, куштылгылыкым пу, Юмым Шочыктышо Ёдыр, чылаамат утаре: Тый вет Шкендын енет-шамычлан Юмын Леведышыже улат.

Кондак, глас 8

Вашке Полшышына деке, тиде шып да поро верыш, Яндар Ёдырын леведышыже деке, ямдылыме шокшо утаралтмаш деке, чыланат толына, кумалаш да сулыкнам касараш вашкена, вет Поро Яндар Ёдыр мыланна пытыдыме чаманымашыжым пуа да Юмо деч лүдшö Шкенжын поро койышан кулжо-влаклан полшаш вашка, кугу ойго да орлык деч утара.

Величание

Тыйым моктена, тыйым моктена, Эн Яндар Ёдыр, Тыйын святой түсетым пагалена, вет тудын деке ўшанен толшо-влаклан поро польш пуалтеш.

Тропарь семи отрокам иже во Ефесе, глас 4

Поро койыш-шоктышым да ылыж кыселмашым ончыктышо поро пиалан шым рвезым, черкын шым пентгыде ментгыжым, мурен моктена: шуко ий эртымеке мален кыселме гай курыкпомыш гыч лектын, колымаш гыч ылыж кыселмашым увертаренда.

Ин тропарь, глас 4

Кугу ўшанымашын чудыжо: курыкпомышышто, кугыжан полатысе семын, шым святой рвезе илен да кап локтылалтде колымашым ужын. Шуко жап эртымеке, нуно

омо деч помыжалтме гай кынелыныт да чыла енгын ылыж кынелшашым
пентгыдемденыт. Христос Юмына, нунын кумалмышт дене мемнамат чамане.

Кондак, глас тойже

Шке святоет-влакым мландымбалне чапландарыше Христос Юмо, кокымшо
гана лүдыкшын толшашет деч ончыч Тый рвезе-влакын öрыктарышын
помыжалтмышт дене Ылыж кынелмашлан ўшаныдыме-влакым ўшандаренат.
Вургемышт ден капыштым тичмашым коден, кугыжамат тыге ойлаш таратенат:
колымаш гыч ылыж кынелмаш чынак уло.

Ин кондак, глас 4

Түнясе пытышашлык деч корангын, курымашлык поянлыкым налында, мален
колтымо гай коленда, ўшаныдыме-влакын осалыштым сенгыше-влак, шуко ий
эртымеке, чыланат илышак помыжалтыт, тидлан көра таче ме, ўшаныше-влак,
Христосым моктен мурена.

Величание

Тендам моктена, тендам моктена, Ефесысе шым святой рвезе, тендан нерген
святой шарнымашым пагалена, вет те мемнан верч Христос Юмынам сөрваледа.

23/5 Апостола Иакова, брата Господня по плоти (ок.63).

Тропарь, глас 2

Чын илыше Иаков, Господын тунемшыже лийын, тый Поро Уверым налынат,
орланыше да Юмын изаже семын каласаш лийдымын лүддымө лийынат да күшыл
священник гай кумалат: мемнан чоннам утарыже манын, Христос Юмым сөрвале.

Кондак, глас 4

Ачан Иктак улшо Юмо Шомакше, пытартыш кечылаште мемнан дек толын, да
тыйым, Юмын ойырен налме Иаковым, Иерусалимыште илыше-влаклан икымше
поро күтүчым да туныктышым, духовный таинством ўшанлын чонгышым ыштен.
Святой апостол, тыйым чот пагалена.

Величание

Тыйым моктена, тыйым моктена, Христосын апостолжо Иаков, Христосын
Поро Увержым шарымет годсо орланымет ден пашатым пагален шарнена.

24/6 Иконы Божией Матери «Всех Скорбящих Радость» (1688).

Тропарь, глас 4

Юмын Шочмо Аваж деке ме, сулыкан да ўнгышö-влак, уло кумылын толына да
кумалына, сулыкым кудалташ көргö чон дене йодына: Владычице, полшо, мемнам
чамане, тырше, вет шуко сулыкым ыштымына верчын ме ынде йомна; мыланна,
Шкендын айдемет-шамычлан, порым ыштыде ит кодо; Тыланет веле, Иктылан,
ўшанена.

Ин тропарь, глас тойже

Юмын Аваже! Ме, йöрддымö-шамыч, Тыйын куатетым моктен ойлаш нигунам огына
чарне: Юмын ончылно мемнан верчна Тый кумал от шого гын, тунаре орлык дечын
мемнам кө утара ыле? Ашныше Юмын Аваже! Тый дечет ме огына ойырло: Тый вет
чыла түрлö орлык дечын шкендын айдемет-шамычым керек-кунамат утарет.

Кондак, глас 6

Эн Яндар Ёдыр, Тый дечет моло полшышына уке, Тый дечет моло ўшанна уке. Ме Тыланет ўшанена, Тый денет кугешнена, Тый мыланна полшо, ме Тыйын кулет улына, да вожылмашыш пураш огыл ыле.

Величание

Тыйым моктена, тыйым моктена, Юмын ойырен налме Эн Яндар Ёдыр, Тыйын святой тўсетым пагалена, вет тудын деке ўшанен толшо-влаклан Тый пареммашым пуэт.

25/7 Мучеников Маркиана и Мартирия (ок.355).

Тропарь, глас 1

Ик гай койыш-шоктышан орланыше-влак, чот пагалыме Маркиан ден Мартирий, Арийын шояжым шалатен, Ачан, Эргын, Святой Шўлышын Ик Юмо улмылан ўшанаш туныктеныт. Апостол Павелын чын туныктымыжым колыштын, керде дене пуштмо лийыныт, ынде Христос дене пырля илат да, мемнан чоннам утарыже манын, Тудым сөрвалат.

Кондак, глас 4

Маркиан ден ушан Мартирий, самырык годсекак порын илен, чын деч коранше Арийым сененда, апостол Павелын ушан туныктымыжым шуктен, Православный верам яндарын арален коденда, тудын дене пырля Святой Троице верч шогымыда дене курымаш илышым муында.

Величание

Тендам моктена, тендам моктена, Христосын орланышыже-влак Маркиан ден Мартирий, тендан чот жаплыме орланымыдам пагалена, тудым те Христос верч чытенда.

26/8 Великомученика Димитрия Солунского (ок.306).

Тропарь, глас 3

Кугу орланымашым чытыше Димитрий, тый ойго годым тўнялан чот полшышо да калык-влакым сенгыше святой улат. Левийын кугешнымашыжым сененат, Несторым подвиглан лўддымым ыштенат. Мыланна кугу чаманымашым пуыжо манын, Христос Юмым тыгак сөрвале.

Кондак, глас 2

Святой Димитрий, Юмо тыйын вўретын йогынжо дене Черкым сўрастарен, тыланет сенаш лийдыме пенгыдылыкым Пуышо Юмо тыйын олатым тичмашлыкыште арала; тый шке олатын пенгыдылыкше улат

Величание

Тыйым моктена, тыйым моктена, кугун орланыше Димитрий, да Христос верч орланыметым пагален шарнена.

27/9 Мученика Нестора Солунского (ок.306). Преподобного Нестора Летописца, Печерского, в Ближних пещерах (1115).

Тропарь, глас 4

Господь, Тыйын орланышет Нестор индыралтмыж верч Тый дечет, мемнан Юмына деч, курымашлык венецым налын: вет орландарыше-влакым Тыйын пуымо

виет дене сўмырал шуэн да ия-влакын тептердыме ўчыштым шалатен. Тудын молитваже дене, Христос Юмо, мемнан чоннам утаре.

Кондак, глас 2

Кугу ушан Нестор, порын орланен, курымашлык чапым налынат, орланыше Димитрийын сөрвалымыж дене тый Кучен Ашныше Юмын чапле сарзыже лийынат, тудын дене пырля мемнан верч чарныде кумал.

Величание

Тыйым моктена, тыйым моктена, святой орланыше Нестор, да Христос верч орланыметым пагален шарнена.

Тропарь Нестору Летописцу, глас 4

Юмын пуымо уш-акылан Нестор, тый Руш кугу князь-влакын пашаштым да Печерысо преподобный ача-шамычын илышышт ден öрыктарыше польшышт нерген возенат, шуко поро тыршымашетлан көра тыйын лўметат Пылпомышто возалтын, мыланнат Илыш Книгаш возалташ манын, Юмым сөрвале.

Кондак, глас 2

Юмым көргыштыжө нумалше Феодосийын тунемшыже да тудын семынак илыше Нестор, тый туныктышетын яндар мощыжым эн ончыч ужаш йöрышö лийынат, тудым моло-влак дене пырля чапландарен веранденат да иквереш Пылпомышысо Кугыжанышым налында, мыланнат тушко шуаш манын, ме, тыйым моктышо-влак, Господьлан кумалына.

Величание

Поро пиалан улметым моктена, преподобный Нестор ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

28/10 Великомученицы Параскевы, нареченной Пятницы (III).

Тропарь, глас 4

Христосын кугу ушан да чот моктымо орланышыже Параскева, пöрьен пентгыдылыкым налын, ўдырамаш вийдымылыкым коранден, иям сененат да, орландарышым вожылтарен, кугу йўкын ойленат: толза да мыйын капем керде дене руыза, тул дене йўлалтыза, да мый Христос Качем деке куанен каем. Христос Юмо, тудын молитваж дене мемнан чоннам утаре.

Кондак, глас 3

Шуко орлыкым чытыше Параскева, колыдымо Христос Качетлан святой да яндар орланымашым олно семын конден, суксо тўшкам куандаренат, иян ўчыжым сененат, сандене тыйым кугу ўшан дене пагален шарнена.

Величание

Тыйым моктена, тыйым моктена, святой орланыше Параскева, да Христос верч орланыметым пагален шарнена.

29/11 Преподобномученицы Анастасии Римляныни (III).

Тропарь, глас 4

Иисус, Тыйын Анастасия пачат кугу йўкын ўжеш: Качем, Тыйым йöратем, Тыйым кычалын орланем да пудалалтам, Тыйын пуымо Тынеш пурымаште тоялтам,

Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөрәтен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 3

Юмылан йөрешö Анастасия, нарашталыкын вүдшö дене мушкылтын, орланымаш вүр дене венчаялтын, орлыкышто улшо-влаклан тый пареммашым да уло шүм дене сөрвалыше-влаклан утаралтмашым пуэт. Чарныде лектын шогышо порылыкшо дене Христос тылат пенгыдылыкым пуа.

Величание

Тыйым моктена, тыйым моктена, Христосын святой орланышыже Анастасия, да Христос верч орланыметым пагален шарнена.

30/12 Священномученика Зиновия, епископа Егейского, и сестры его мученицы Зиновии (285).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сүмырал шуэныт да ия-влакын тептердыме үчыштым шалатеныт. Нунын молитвашт дене мемнан чоннам утаре.

Кондак, глас 8

Чыным ужшо да чын үшанымашлан туныктышо кок орланышым, Зиновий ден ушан Зиновиям, Юмылан йөрешö муро дене чапландарена: вет нуно пырля иленыт да коленыт, орланымашт дене курымашлык венецым налыныт.

Величание

Тендам моктена, тендам моктена, святой орланыше-влак, Зиновий ден Зиновия, да Христос верч орланымыдам пагален шарнена.

31/13 Апостолов от 70-ти Стахия, Амплия и иже с ними.

Тропарь апостолам, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак, глас 8

Святой Шүльшын священный поянлыкше да Христос Кечын чап волгыдыжо гай ушан апостол-влакым: Апеллий, Урван, Аристовул, Амплий, Наркисс ден Стахийым моктен мурена, вет нуно мемнан Юмынан порылыкшым погеныт.

Величание

Тендам моктена, тендам моктена, святой апостол-влак: Апеллий, Урван, Аристовул, Амплий, Наркисс ден Стахий, те шке туныктымыда дене уло тўням сотемдаренда, тўнян чыла ужашыжым Христос деке конденда.

1/14 Безсребренников и чудотворцев Космы и Дамиана Асийских и матери их преподобной Феодотии (III)

Тропарь, глас 8

Акым налде тыршыше да чудым ыштыше святой-влак, Косма ден Дамиан, мемнан чернамат эмлаш толза: яра налме порылыкдам мыланнат яра пуыза.

Кондак, глас 2

Моктымo эмлызе да чудым ыштыше-влак, паремдымаш порылыкым налын, ойгышто улшо-влаклан тазалыкым пуэда, öрыктарыше пашада дене тўням паремден, осал шўлышын алгаштарымыжым шке толмыда дене сеныза.

Величание

Тендам моктена, öрыктарыше паша дене чапланыше Косма ден Дамиан, да святой лўмдам волгыдын шарнена, вет те йомшо-влакым тунуктышо, черле-влакым эмлыше, суксо-влак дене мутланыше улыда.

2/ 15 Мучеников Акиндина, Пигасия, Аффония, Елпидифора, Анемподиста и иже с ними (ок.341-345).

Тропарь, глас 2

Господь лўмеш кугу орлыкым чыгыше-влак, тендан вўр дене нöрышö мланде поро пиалан, тендан капдам налше кундем-влак святой улыт. Тендам орландарыме годым тушманым сенгенда, Христослан ўшанымыдам лўдде ойленда. Мемнан чоннам утарыже манын, Тудым, порым, сөрвалыза.

Кондак, глас 2

Икте Чот поро Юмо, Тый Юмым көргыштышт нумалше порын илыше, да мландымбалысе чыла погыштым кодышо Акиндин, Пигасий, Аффоний, Елпидифор ден Анемподистым Шкендын поро пиалан йывыртывашкет налынат да лыпландаренат.

Величание

Тендам моктена, тендам моктена, Христосын орланышыже-влак Акиндин, Пигасий, Аффоний, Елпидифор ден Анемподист,. Христос верч орланымыдам пагален шарнена.

3/16 Мучеников Акепсима епископа, Иосифа пресвитера и Аифала диакона (IV).Обновление храма святого великомученика Георгия, иже в Лидде, идеже положено есть честное тело его (IV).

Тропарь, глас 4

Господь, Тыйын орланышет-влак Акепсим, Иосиф ден Аифал, индыралтмышт верч Тый дечет, мемнан Юмына деч, курымашлык венецым налыныт: вет орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене, Христос Юмо, мемнан чоннам утаре.

Кондак, глас 2

Юмын поро пиалан да ушан святой Акепсим, Тудын кўштымыжым яндарын шуктен, пеленет орланыше-влак дене пырля тый Христосын чапле чашыжым йўынат, мемнан верч чарныде кумалын, Юмылан йöрышö жертве лийынат.

Величание

Тендам моктена, тендам моктена, Христосын орланышыже-влак Акепсим, Иосиф ден Аифал, Христос верч орланымыдам пагален шарнена.

Тропарь великомученику Георгию, глас 4

Пленыште улшо-влакым утарыше, кӱчызӱ-влакым арален шогышо, черле-влакым тӱрлатыше, Сенгымашым кондышо чот орланыше Георгий, мемнан чоннам утараш Христос Юмым сӱрвале.

Кондак, глас 8

Христосын кугун орланышыже, тыйым, чыла сенгышым да вашке полшышым сӱрвалена: тушманын ондалымыж деч, тӱрлӱ ойго да сырымаш деч мемнам утаре, да тылат мурена: орланыше Георгий, куане.

Величание

Тыйым моктена, тыйым моктена, Христосын орланышыже Георгий, Христос верч орланыметым пагален шарнена.

4/17 Преподобного Иоанникия Великого (846).

Тропарь, глас 8

Иоанникий ачана, шинчавӱд йогынет дене ир мландым нӱртенат да чот ойгырен шортмет дене паша саскатым шӱдӱ пачаш шукемденат, чудо-влакет дене волгалтын, сандалыкым волгалтарыше лийынат, мемнан чоннам утарыже манын, Христос Юмым сӱрвале.

Кондак, глас 8

Волгыдо шӱдыр гай тӱням сотемдаренат, сулыкын пычкемыштыже улшо-влакым волгалтаренат, мастар эмлызе лийынат, Юмын пуымо паремдымаш порылыкет дене черле-влаклан полшо, да тыге мурена: Иоанникий ачана, йывырте.

Величание

Поро пиалан улметым моктена, Юмылан йӱрышӱ Иоанникий ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

5/18 Мучеников Галактиона и Епистимии (III).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сӱмырал шуэныт да ия-влакын тептердыме ӱчыштым шалатеныт. Нунын молитвашт дене мемнан чоннам утаре.

Кондак, глас 2

Моктымо Галактион, лӱддымын шоген, волгыдын тыршен, тыйын пеленет орланыше Епистимия пелашет дене Христосын орланышыже-влак тӱшкаш пуренат, Иктак улшо Юмылан мемнан верч чарныде кумалза.

Величание

Тендам моктена, тендам моктена, Христосын орланышыже-влак Галактион ден Епистимия, Христос верч орланымыдам пагален шарнена.

6/19 Святителя Павла, патриарха Константинопольского, исповедника (350).

Тропарь, глас 3

Преподобный ачана, Юмылан чын үшанаш туныктыметлан көра Черке тыйым, тыршыше кокымшо Павелым, священник-влак кокла гыч ончыктен. Авель да Захарийын яндар вүржө Тый денет пырля Господь деке кычкырат. Мемнам чот чаманыже манын, Христос Юмым сөрвале.

Кондак, глас 2

Пылпомышысо Волгыдо шүдыр гай мландымбалне волгалтын, Кафолический Черкым кызытат сотемдарет, тудын верч орланен, чонетым пуэнат, тыйын вүрет, Павел, Господь деке Захарийын да Авельын семынак раш кычкыра.

Величание

Тыйым моктена, тыйым моктена, святитель Павел ачана, тыйым пагален шарнена, вет тый мемнан верч Христос Юмынам сөрвалет.

7/20 Мучеников тридесяти и трех, иже в Мелитине (III).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сүмырал шуэныт да ия-влакын тептердыме үчыштым шалатеныт. Нунын молитвашт дене мемнан чоннам утаре.

Кондак, глас 8

Орланыше-влакын яндар да волгыдо тüşкашт таче мемнан деке уш-акыл дене волен, Черкым öрыктарыше үжара дене волгалтарен, нуным порын шарнен пайремлена да Тыйым, мемнан Утарышынам, йодына: нунын сөрвалымышт дене мемнам утаре, да Тыланет мурена: Аллилуиа.

Величание

Тендам моктена, тендам моктена, Мелитинысе кумло кум орланыше, Христос верч орланымыдам пагален шарнена.

8/21 Собор Архистратига Михаила и прочих Небесных Сил Безплотных. Архангелов: Гавриила, Рафаила, Уриила, Селавиила, Иегудиила, Варахиила и Иеремиила .

Тропарь, глас 4

Пылпомышысо куат-влакын Архистратигышт, ме, йöрдымö-влак, тендам эре йодына: мемнам, сукен возын сөрвалыше-влакым, ужаш лийдыме шулдырдан чапше дене левед аралыза, күшылсö куат-влакын вуйлатышышт семын шке кумалмыда дене чыла ойго гыч утарыза.

Кондак, глас 2

Юмын Архистратигышт, Юмын чапшылан служитлыше, Суксо-влакым вуйлатыше да ен-шамычым туныктышо-влак, мыланна пайдалым да кугу чаманымашым йодса, вет те Пылпомышысо капдыме куат-влакын Архистратигышт улыда.

Величание

Тендам моктена, Господьым чапандарыше архангел ден суксо да Пылпомышысо чыла сарзе-влак, херувим ден серафим-шамыч, тендам моктена.

9/22 Мучеников Онисифора и Порфирия (ок.284-305).

Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас 2

Кок орланыше, чот индыралтмыда дене тушманын кугешнымыжым мландымбак кудалтенда. Эре Улшо Святой Троицын порылыкшо дене волгалтше моктымо Онисифор ден Порфирий, мемнан верчат чарныде кумалза.

Величание

Тендам моктена, тендам моктена, Христосын орланышыже-влак Онисифор ден Порфирий, Христос верч орланымыдам пагален шарнена.

10/23 Апостолов от 70-ти: Ераста, Олимпа, Родиона, Сосипатра, Кватра и Тертия (I).

Тропарь апостолам, глас 3

Святой апостол-влак, мемнан чонлан сулык касарымашым пуыжо манын, чаманыше Юмым сөрвалыза.

Кондак, глас 2

Чапланыше апостол-влак, шке уш-акылдам Юмын волгыдыж дене волгалтарен, йылме мастар-влакын вапшыштым моштен шалатенда. Кучен Ашныше Юмо деке те чын Юмым палыдыме-влакым поген конденда, Эн Святой Троицым мокташ туныктенда.

Ин кондак, глас 4

Апостол-влакым чапландарыме кече толын. Нуным пагален шарныше-влаклан сулык касарымашым пуат.

Величание

Тендам моктена, тендам моктена святой апостол-влак: Ераст, Олимп, Родион, Сосипатр, Кватр ден Тертий, шке туныктымыда дене уло тўням сотемдарен, тўнчан чыла ужашыжым Христос деке конденда.

11/24 Великомученика Мины (304).

Тропарь, глас 4

Капдыме куат-влак дене мутланыше, орланыше-влак дене пырля илыше Минам, пырля погынен, ўшанен моктена: тый тўнялан тынысым, мемнан чонлан кугу чаманымашым сөрвале.

Кондак, глас 4

Орлыкым чытыше Мина, Христос Юмо тыйым жаплан пуымо сарзе пашат деч коранден, Пылпомышысо куат-влак деке курым-курымлан ушен, орланыше-влакын пытыдыме венецштым пуэн.

Величание

Тыйым моктена, тыйым моктена, святой орланыше Мина, Христос верч орланыметым пагален шарнена.

12/25 Святителя Иоанна Милостивого, патриарха Александрийского (620).

Тропарь, глас 8

Юмылан йөрүшө ачана, шуко чытен илымет дене суапым налынат, чытенак, чарныде кумалынат, йорло-влакым йоратен, нунылан мо кўлешым пуэнат. Поро пиалан да чаманыше Иоанн, мемнан чоннам утарыже манын, Христос Юмым сөрвале.

Кондак, глас 2

Кугу уш-акылан ачана, шке поянлыкетым йорло-влаклан пуэн, Пылпомышысо поянлыкым налынат. Чаманыше манын лўмдымө Иоанн, тыйым чыланат моктена да пагален шарнена.

Величание

Тыйым моктена, тыйым моктена, святитель Иоанн ачана, тыйым пагален шарнена, вет тый мемнан верч Христос Юмынам сөрвалет.

13/26 Святителя Иоанна Златоуста, архиепископа Константинопольского (407).

Тропарь, глас 8

Тыйын умшатын тул гай волгалтше порылыкшо сандалыкым волгалтарен; тый тўнялан оксам йоратымашым огыл, а вес поянлыкым погенат, ўнгышылыкын уш-акыл кўкшытшым ончыктенат. Иоанн Златоуст ачана, шкендын шомакет дене туныктен, мемнан чоннам утарышаш верч Христос Юмым, Юмын Шомакым, сөрвале.

Кондак, глас 6

Тый Пылпомыш гыч Юмын порылыкым налынат да чылаштым Кумытло улшо Ик Юмылан кумалаш шке умшат дене туныктет. Поро пиалан преподобный Иоанн Златоуст ачана, тый вет Юмын мутым умылтарыше туныктышына улат, да тыйым чапландарен моктена.

Величание

Тыйым моктена, тыйым моктена, святитель Иоанн ачана, тыйым пагален шарнена, вет тый мемнан верч Христос Юмынам сөрвалет.

14/27 Апостола Филиппа (I)

Тропарь, глас 3

Юмо нерген туныктышо Филипп, тыйын сотемдарыме тўня венец дене сōрастарыме семын порын сылнештеш, Ефиопий йывырта да тыйым волгыдын пагален шарна. Христослан ўшанаш чылаштым туныктенат, Евангелийын кўштымыж семын илен эртаренат, сандене ефиопысо ен-влакын кидышт кызытат Юмо деке лўдде нангая. Мыланна кугу чаманымашым пуыжо манын, Христосым сөрвале.

Кондак, глас 8

Чот чаманыше Христос, Тыйын тунемшет да орланыметым чытыше йолташет, Юмо нерген ойлышо Филипп, Тыйын Юмо улметым тўнялан увертарен. Тудын сōрвалымыж дене Шке Черкетым да чыла олам законом шотлыдымо тушман деч Юмын Аван леведышыж дене арале.

Величание

Тыйым моктена, тыйым моктена, Христосын апостолжо Филипп, Христосын Поро Увержым шарымет годсо орланымет ден пашатым пагален шарнена.

15/28 Мучеников и исповедников Гурия, Самона (299-306) и Авива (322).

Тропарь, глас 5

Икте Поро да Айдемым йöратыше Христос Юмо, Тыйын святой орланышет-влакын öрыктарыше пашашт осаллан сенаш лийдыме пырдыж лийын. Чын Юмым палыдыме-влакын ойыштым Тый нунын кумалмышт дене шалате да святой Черкетым пентгыдемде.

Кондак, глас 2

Чыла моктымо да кугу ушан святой-влак, те порылыкым кўшыч налында, алгаштарымаште улшо-влаклан полшеда, самырык ўдырым осал колымаш деч утаренда, те Едесын чапше да тўнян куанже улыда.

Величание

Тендам моктена, тендам моктена, Христосын орланышыже-влак Гурий, Самон да Авив, Христос верч орланымыдам пагален шарнена.

16/29 Апостола и евангелиста Матфея (60).

Тропарь, глас 3

Юмо нерген туныктышо Матфей, поро пиалым пуаш толшо Христосын ўжмыж почеш тый йозак погымо верет гыч каенат да ойырен налме апостол лийынат, тўнялан Евангелийым лўдде увертаренат. Тыйым пагален шарнена, да мемнан чонлан сулык касарымашым пуыжо манын, Чаманыше Юмым сөрвале.

Кондак, глас 4

Йозак погымо кул пашам кудалтен, чынын омыташкыже кычкалтынат, кўшылсö кугу уш-акылын поянлыкшым конден, чапле купеч лийынат. Мутын чынже нерген туныктен, Юмын суд лийшаш нерген возен, тый шўлыкан-шамычын кумылыштым нöлталынат.

Величание

Тыйым моктена, тыйым моктена, Христосын апостолжо да евангелистше Матфей, Христосын Поро Увержым шарымет годсо орланымет ден пашатым пагален шарнена.

17/30 Святителя Григория чудотворца, епископа Неокесарийского (ок.266-270).

Тропарь святителю Григорию, глас 8

Григорий ачана, йўд-кече молитвам лудын да öрыктарыше пашатым тыршен ыштен, лўмет семын илышетым виктаренат. Мемнан чоннам волгалтараш Христос Юмым сөрвале, колымашлан мален колташ огыл ыле.

Кондак, глас 2

Кугу ушан Григорий, тый öрыктарыше пашам ятыр ыштенат, шучко палдарыше пале-влак дене ия-шамычым лўдыктенат да ен-влак деч неле черым

поктен колтенат, сандене чудотворец манын лүмдалтынат, лүметым пашат дене суленат.

Величание

Тыйым моктена, тыйым моктена, святитель Григорий ачана, тыйым порын шарнена, вет тый мемнан верч Христос Юмынам сөрвалет.

Тропарь преподобному Никону, игумену Радонежскому, глас 1

Курымак шарныме преподобный Никон, тый мут колыштшо лийынат, ачатын лүмжым чапландараш Святой Троицылан сылне черкым чоненат, сандене меат, тыйын шочшет-влак, йөрәтен мурена: тыйым Пентыдемдышылан тау, тыланет венецым Пуышылан тау, тыйын гоч чылаштым Паремдышылан тау.

Кондак, глас 4

Никон ачана, духовный ачат дене ик семын илен, тудын туныктымьж почеш тый Христосын кулжо да монах-влакын вуйлатышышт лийынат, Юмылан йөрышö тўшкаш ушненат, нунын дене пырля мемнан верчат Юмылан чарныде кумал.

Величание

Поро пиалан улметым моктена, преподобный Никон ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.